

四庫全書

史部

欽定四庫全書

史部  
陝西通志  
卷目錄

詳校官給事中臣李臺

檢討臣德生覆勘

總校官降調編修臣倉聖脉

校對官編修臣張燾

謄錄監生臣朱鵠

陝西通志

進表

吏部尚書署理陝西總督印務併辦軍需事件臣

劉於義戶部尚書總理陝西巡撫並一切軍需事

務臣史貽直陝西巡撫臣碩色等恭承

勅旨纂修陝西通志今已成書共一百卷謹奉

表上

進者臣於義等誠惶誠恐稽首頓首

上言伏以誕敷文命遂成禹貢之篇肇啓姬宗爰有  
職方之紀故楚之良史能讀八索九丘魯有聞人  
頗采鄭書周語馬遷網羅百代乃作八書班固囊括  
羣言初爲十志周官外史之掌四方之志乘可  
稽漢家太史之藏列郡之計書咸在秘府雖有兩  
京之記而山川風土尚畧而不詳開元即有十道  
之圖而文物聲明悉闕而不備蓋歷代之方輿雜  
錄大都多私撰之書而百家之郡國圖經未盡奉

明廷之勅是既無以備累朝之掌故并不足以定  
一省之章程惟生際夫

昌期方躬逢乎

盛典欽惟

皇帝陛下

道冠百王

治隆千聖

至誠而臨寶祚乾健離明

大德以育羣生異風兌澤

聖教光昭於四表日星雲物嘉祥史不勝書

天威震疊乎八埏烏弋黃皮絕域人知嚮化乃

頒明詔復沛

恩綸謂

本朝

列聖相承厚澤深仁已淪浹於遐邇而薄海羣黎徧德風

謠物土須簡策以編摩爰

命廷臣纂

大清一統之志因

勅大吏脩直省通志之書而臣等忝任秦疆職司監輯

伏念雍州天府尤九州之上腴龍首神臯為萬方  
之綱領歷井捫參之境被服於

皇化者百餘年襟梁跨益之墟沐浴於

聖恩者十三載山則終南太華胥效其靈水則清渭洪  
河長流其澤龍興虎視實周秦之故都璇館瑤臺

多漢唐之名蹟展也河山之固秦得百二焉誠哉  
陸海之饒富居什六矣連衢甲第昔稱七相而五  
公編藉丁黃今號三男而二女數千村烟火士食  
舊德而農服先疇十萬井提封荷鍾成雲而決渠  
降雨莘莘俎豆荷

聖人之教育尚有辟雍鐘鼓之風濟濟冠裳蒙

天子之生成依然棧樸菁莪之盛涇汭之田上等而任  
土作貢厥有球琳琅玕沂渭之馬成羣而物產孔

多何止竹林檀栢彼都人物不徒以城南韋杜相  
推列郡官師豈獨以京兆趙張稱最以至家敦仁  
讓而比屋可封野盡干城而名將多出制度不無  
沿革凡典禮之大悉凜於

王章風尚或有推移雖藝術之微一遵乎

天憲此皆

皇恩之高厚實浩蕩於五郡十州所以方志之詳明遂  
燦著乎宏綱鉅目

臣

等未能數典罔識闕疑恭承

實訓之煌煌敬以冠諸絀素伏讀

聖謨之秩秩踞而授之雕鐫蒐討圖編足以識大而識  
小校讐亥豕庶乎徵獻而徵文擬之三輔黃圖規  
模差備律以長安宋志凡例加嚴比及三年每撫  
寅衷而兢惕釐為百卷謹呈

乙夜以覽觀伏願

玉燭常調

金甌永奠

鴻藻經天而緯地

御撰日新

元符邁五而登三

皇圖天煥則東鷄西鰈萬年同軌而同倫北燮南諧九  
譯來王而來享矣謹按星野一卷建置四卷疆域  
二卷山川六卷城池公署各一卷關梁封爵各二  
卷職官四卷貢賦三卷學校一卷祠祀二卷選舉  
四卷兵防二卷驛傳一卷屯運水利各二卷鹽法

茶馬各一卷物產二卷風俗一卷祥異二卷帝系  
二卷名宦五卷人物十五卷陵墓古蹟經籍各二  
卷紀事七卷德音二卷藝文十三卷拾遺三卷刊

刻告成臣等曷任瞻

天仰

聖激切屏營之至謹奉

表隨

進以

聞

雍正十三年二月初一日

吏部尚書署理陝西總督印務併辦軍需事件

臣

劉於義

經筵講官都尚書總理陝西巡撫並一切軍需事務加四級

臣

史貽直

陝

西

巡

撫

臣

碩

色

謹上表

欽定四庫全書

四

進表

陝西通志

凡例

一秦省為歷代都會地居上游西京之盛莫可殫述  
比來承流宣化拱衛

神京休養生息百年於茲五府十州極豐亨樂利之象  
通志一書正以鼓吹休明揚抗鴻業也使專尚簡  
貴則典章制度未免紀載踈略何以昭示不朽茲  
於上下古今蒐羅考訂分為三十二類列為百卷

未敢云取多用弘或不至因陋就簡

一陝志為秦地紀載之書而於

朝廷六典制度靡不殫究吏之職官戶之貢賦鹽錢  
禮之學校祠祀選舉兵之兵防驛遞工之城池關  
梁水利皆有關於政事者也然非符檄考覈卷案  
徵信不敢濫登庶幾有裨於留心經濟者爾

一事關制度典章為直省通行遵奉者已經詳載

大清會典非秦志所宜專書如

訓飭士子文月吉講讀鄉飲賓興祀典樂章

表箋以及律例改定條款俱不敢載

一往古事迹尤為居今所必稽但慮世遠言湮傳聞異同於是廣搜四庫摭拾舊聞務求徵信所有採錄原書每條登注尋覽者因流邇源可以知所自

矣

古書日就散佚或今本所無而昔賢所引如謝承後漢書晉陽秋之類尚仍故名鄴注雖逸者

亦稱水經注是也

一舊志成於康熙初年前撫臣賈漢復之手賈嘗撫

金史卷之二十一  
豫再撫秦其所撰兩省通志

朝議取為他省程式但

國家當奕葉重光之後深仁厚澤浹區宇其間政  
化多隨時隨地以為因革損益在

會典已經再修今日之執簡而書者何敢從略而馬  
谿田馮仲好舊志均有可取故補葺較多於刪削  
焉

一分類無義叙次無倫著述家所弗取此志原本史

裁折衷諸說離為三十二類首星野言地必本於  
言天也王者繼天出治度地居民必先分疆畫野  
故次之以建置建置定而疆域分於是封山濬川  
築城鑿池治事之廨宇立焉險阨之關梁設焉皆  
建置中所有事也立國以治民封建在先郡縣在  
後故封爵職官次之有土斯有財咸則三壤所以  
成賦厚生必正德敬敷五教所以明倫故貢賦學  
校次之事神以治陰求賢以治陽幽明之別也故

祠祀選舉又次之安內以文德攘外以武功兵防其要也置郵興屯皆武備所當修舉者也故兵防之後次以驛傳屯運屯運以裕蓋藏溝洫以備旱潦水利者農政所資也一曰食二曰貨鹽錢茶馬物產皆民生所以利用者也皇極之建必又以三德稽疑之用必驗於庶徵俯察五方之風氣仰觀五行之休咎天人之際相為感應者也故受之以風俗又受之以祥異從來人存政舉都此土而主

治者帝王蒞此土而佐治者牧伯沐浴教化鍾毓  
靈秀產於此土之賢皆可傳述者也乃人亡事往  
抔土依然世遠年湮遺踪宛在故帝系名宦人物  
之後又受之以陵墓古蹟至於古今名山石室之  
藏人雖往而言不朽也歷代治亂得失之林事雖  
遠而功可邇也故受之以經籍又受之以紀事鴻  
文典冊仁政尤先德音所以昭

本朝之盛藝文所以揚歷代之休也其餘碎金雜俎

諸類所不及志者亦俱收並採雖稗野卮言在所  
不棄故受之以拾遺終焉

一分類三十有二多師前人規格其中有附者取其

相近

如形勝之  
於疆域

有合者取其相因

如關隘與津梁  
屯田與漕運

有併者取其相屬

如人物中包忠節孝義流寓釋  
道方技列女數種蓋彼亦人物

中人無庸另  
為區別也

如經籍表作述之功紀事垂古今之

鑒德音宣

朝廷之德特為增類以備叅攷

一各類之中條件甚多叙次龐雜無由醒目故史志

中自漢以下咸析小目

如經籍則分經史子集禮儀則分吉凶軍賓嘉是也

今名宦人物藝文經籍選舉風俗物產古蹟拾遺各以其所包者析之而仍標目於下以便流覽

一各類中有因時起例與通體微異者即於本類下注明或有考究異同訂證舛錯闕疑傳疑之處俱於本條下加按字以別於原書之本注

一龍門首闢史法創為年表之例縱橫指畫事理包

舉後有作者靡不效之茲於建置封爵亦倣其例  
庶幅幘廣袤世系相承上下數千載歷歷如在目

前

一古地理書多為圖經魏書直謂之地形志則可知  
畫沙聚米非繪事弗明也茲於各類若山川水利  
古蹟兵防驛遞作圖歸於本類而於建置疆域尤  
加詳焉蓋古來沿革不一不獨郡邑名稱屢更即  
城郭關河遠近疎密迥不相侔繪圖以補表之所

不逮則前代一覽無餘再合以

本朝疆域尤瞭如指掌矣

一疆域繪圖限於尺幅不能詳備今照

皇輿圖首列通省總圖祇載府州縣及名山大川其次  
作五府十州圖載山川關驛鎮營道路又次二州  
七十三縣各作一圖有城池泉渠祠宇橋渡古蹟  
陵墓鎮店鋪通分界悉列焉其地形之方員斜銳  
長短凹凸如其本形離之各成方幅界不踰域合

之即成總圖間不容髮雖或山川阻深塗徑迂折而大槩已較然矣

一凡山川廨宇闕梁祠廟河渠陵墓古蹟必以今州縣治為準而首揭其所在之方向里數然後援引故實發明訂正庶幾眉目朗如故雖有近代之書可徑列經史之前不嫌倒置又慮所引之書各代州郡建治不同於今因而方向里數與今迥別故又於建置中作列朝地圖考覽者從此互訂則抵

牾適相符合矣

一山川等類固當先標其所在之方向里數而有不  
可以方向里數計者如山則有巔有麓洞峪深入  
甚遠坡逕聯接則又甚近是里數不可定也川則  
有曲流有環遶出山或在西南流行或在東北方  
向亦不能定也故考之志冊間有不符至於疆域  
之四至八到廣袤里數更難畫一盖郡邑地形百  
出方員欹銳凹凸鈎環加以高山深谷四面八隅

不能咸備而分界之處多在通達之衢未必適當其方位且舊志所載道里有自治起者有自城起者有以隣界止者有以隣治止者參差不齊故不獨里數不侔而方向亦多錯出不知營城邑設官守當以治為準分壤地辨封疆當以界為止今疆域一類先載治距所隸之里數次載四正四隅分界里數若以兩界各至治若干里合算則隣邑至治之里數已寓於中矣嘗見元和志式有至某界

正東微南微北之說甚為得解今所標者雖不能  
作章亥履勘而或治或界偏左偏右必折衷至確  
乃敢登載其形有不齊者倣照元和志式庶幾詳  
備云

一職官選舉題名舊志祇詳於明代今蒐輯羣書及  
金石刻各依官制科分增錄以備稽考其或有創  
設特遣之官官制所無及無科目可考者槩附一  
代之末

一舊例各類叙次多分府州但如人物一種古書紀載有泛稱秦人者既未便強屬何郡而古今地名沿革不一未必盡如今之分界又方技隱逸釋道諸類中多有異域他省之人更難附屬是以按代編次而同時者則略以地叙云

一名宦人物列傳採錄各史原文一字不敢妄增如原文內有地名在前人名居後或世系里居不詳於本傳而別見他傳者俱用小字旁注以別原文

一史家之體彰瘴並行誌則隱惡揚善亦忠厚之意也然而好惡之公不容偏廢使前愆炯鑒常懸心目未必不收懲創之益故於列傳用歐陽史例別為雜傳以外之而拾遺中更標徵應鑒戒二目以寓儆惕之義焉

一秦中自周秦漢唐建國於此凡宮廷事宜俱闕天下之大非專屬畿輔也故自周官周禮下至漢唐朝官不入職官名宦館庠遊學不入流寓禁軍不

入兵制至若宮苑遺墟久成古蹟銀潢戚畹分封  
畿甸又不得泛視為公家言而槩置弗錄也

一紀事一類仿照綱目編年大書巡狩會盟征伐諸  
大政以存統御之權餘分閏位莫不包舉然如彼

此戰爭關乎疆宇則從其重者專載一朝之下

如蜀

魏南北朝  
宋金元

若僭據秦土仍以正統為斷故自秦漢

以降凡僭竊之制度

如葬之改官不入官制改邑  
不入沿革符秦石趙之臣不

列題名不入名  
宦人物之類

不書其分統者不用此例

一歷代名篇佳什爭鳴藝苑美不勝收茲惟取其有關於斯土之政事文章人心風俗者嚴其程格以定去存至於投贈諛詞並當擯斥或所言止於一鄉一邑者亦自有州縣誌在茲弗緊及

一藝文以有關通省及連數郡邑者始登其他可資各類考訂者則皆節採要語入各類中如遊覽入山川憑弔入古蹟陵墓營建入學校祠祀公署著作入經籍奏議入貢賦鹽錢兵防驛遞蓋典制重

於翰墨也

一古人陳迹稗官紀載極繁凡有關於人情風土嗜好歌謠可以廣見聞資法戒者固為採風所不廢至於畸行遺言談天說鬼原始要終歷代傳述為茲土之故實亦必博採以助談叢其他侮慢鄙褻有妨風化者雖係斯土槩不濫登

一

御製德音官制錢穀兵屯建置有關典章者理宜尊崇

本朝而以歷代附考於後若祥異紀事人物藝文拾

遺諸類則仍以古今世次順叙微有不同

一省志向例俱分郡邑但有界限劃然必應分者

如城

池闕梁學校祠祀水利陵墓之類

有統屬聯貫必應合者

如星野之言天

文封爵之論世次職官選舉之題名兵防鹽法之制度紀事德音祥異之編年帝系之紀傳經籍藝文之分類是也有綴旒於冕宜先合而後分者

如建置疆域貢賦屯

運以省總冠前而以郡邑額分之

有若網繫綱應分類而不分地

者

如物產人物風俗拾遺之類

有一經一緯分合兼用者

如山川之

名山大川各自  
繪圖撰考是也各隨其宜不能強同

一誌宜詳密而省誌亦宜得體如里甲街市坊表之  
廬列下僚之題名掾史之額設存留之細數解舍  
之間架渠堰之受水人物中鄉曲之善士祠宇中  
羅列之姓名縣不濫收以侵郡縣志之詳備也

一地誌以地為經以代為緯地所不屬則徑闕之如  
三國之吳六朝之陳與北齊宋時之遼諸類中縣  
不及之雖其時招集人民僑治他郡而襲故名者

封爵建置悉為辨正

一興漢二屬地接荆梁前代分隸他州郡星野兼入  
翼軫但所躔之度甚微徵應自在全蜀全楚茲不  
具錄至古刺史郡守治不在境內而屬邑在境內  
如弘農武都者職官題名未敢槩登而於名宦則  
仍書之蓋當日勢分所臨既及其地而惠澤所流  
亦不可泯固善善欲長之義也

一陝甘昔合今分新設府州亦係舊時營堡故於疆

域里數賦役額數皆不襲用舊說而以今冊為準  
其職官中統轄之大僚如總督駐西安學政駐三  
原均入陝志提督駐固原入甘志至前代之鹽學  
藩臬糧驛各道俱駐省城兼治全陝及但有叅政  
副使等銜而不能強分者悉入陝志

一漢有五原九原唐有安北都護宋有天德軍金元  
有豐雲二州咸入版章明世中衰棄河套地如甌  
脫延綏遂為邊境我

朝聲教誕被屬國降王願為保塞

祖宗撫綏荒服仍令駐牧套中今車書一統梯航所至罔  
不奉圖入告況近在塞垣之下乎凡套中山川城  
砦古蹟俱得附榆葭各州縣以類而見云

一陝省幅幘極廣如弘農跨陝豫之郊興元控雍梁  
之野以至綏葭昔為趙地鳳興向屬武都其間山  
川人物舊志尚多混淆或因一時失檢分晰未清  
或因志在誇多獵取傳會遂至以訛襲訛遺誤後

金方已廣  
來今於河南湖廣山西四川甘省分界各州縣山  
川必究其脈絡人物必詳其世系古蹟必核其時  
地合者收之不必舊志之所有不合者去之不必  
舊志之所無也

陝西通志

職名

監修

太子少保吏部尚書議政大臣署寧遠大將軍前署川陝總督印務

臣

查郎阿

吏部尚書署理陝西總督印務并辦理軍需事件

臣

劉於義

經筵講官戶部尚書仍暫留西安總理巡撫並一切軍需事務加四級

臣

史貽直

工部左侍郎世襲拖沙喇哈番加四級前署理陝西巡撫印務

臣

馬爾泰

巡撫陝西等處地方贊理軍務都察院右副都御史紀錄一次

臣

碩色

提督陝西學政內閣學士兼禮部侍郎

臣

王蘭生

提調

前陝西西安等處宣布政使司布政使加一級又加三級

巡撫加三級紀錄一次

臣

楊 馥

陝西西安等處宣布政使司布政使加一級又加三級

臣

程仁圻

陝西西安等處提刑按察使司按察使紀錄二次

臣

何師儉

編輯

辦理西路軍需陝西布政使司督理糧儲道僉事加二級紀錄四次

臣

沈青崖

採訪

署理陝西西安等處布政使司督理糧儲道 臣 偉 璉

陝西布政使司分守潼商道僉事 臣 張正瑗

陝西按察使司分巡榆葭道副使 臣 王 凝

陝西按察使司分巡延綏鄜道叅議 臣 朱一鳳

陝西按察使司分巡漢興道副使 臣 姚培和

原任西安府知府 臣 王紹文

西安府知府 臣 烏靈阿

延安府知府 臣 徐洹瀛

鳳

翔

府

知

府

臣

馮慶長

漢

中

府

知

府

臣

朱開聖

榆

林

府

知

府

臣

王大士

興

安

州

知

州

臣

鮑遐齡

商

州

知

州

臣

王如玖

同

州

知

州

臣

董權文

華

州

知

州

臣

王德地

耀

州

知

州

臣

朱紹峒

乾

州

知

州

臣

王以觀

署

邠

州

知

知

州

臣

李肖筠

廊

州

知

州

臣

李如沆

署

綏

德

州

知

州

臣

董朝鼎

署

葭

州

知

州

臣

程材傳

分編

西

安

府

咸

陽

縣

知

縣

臣

馮運棟

西

安

府

署

渭

南

縣

知

臣

梁成武

延安府署宜川縣知縣臣劉國泰

鳳翔府寶雞縣知縣臣錢界

鳳翔府署郿縣知縣臣喬履信

漢中府署城固縣知縣臣王邦光

興安州署白河縣知縣臣唐效堯

同州署蒲城縣知縣臣沈華

耀州署同官縣知縣臣楊繹

邠州署三水縣知縣臣文魁

學

習

進

士

臣

李之蘭

學

習

進

士

臣

冷崇

學

習

進

士

臣

古澧

訂正

綏德州署清澗縣知

縣

臣

王起鵬

舉

人

臣

胡淦

監

生

臣

申存寅

監

生

臣

楊煜曹

廩

生<sub>臣</sub>支期

分校

西安府富平縣教諭<sub>臣</sub>白塘

鳳翔府麟遊縣教諭<sub>臣</sub>馬國鎮

舉人揀選知縣<sub>臣</sub>李清佐

舉人揀選知縣<sub>臣</sub>崔昭

廩生<sub>臣</sub>劉紹攷

廩生<sub>臣</sub>解含章

繕錄

舉

人

臣

單

潔

監

生

臣

張

國棟

生

員

臣

李

允寬

生

員

臣

王

秦

生

員

臣

趙

佩琇

生

員

臣

王

家騰

生

員

臣

上

官一

叔掌

西安府署照磨所照磨

臣

張元龍

西安府長安縣縣丞

臣

羅之晉

校刊

西安府咸寧縣知縣

臣

陳齊賢

西安府署長安縣知縣

臣

王端

繪圖

布

衣

臣

張謙

欽定四庫全書

史部十一

陝西通志目錄

地理類三

都會郡縣之屬

卷一

星野

卷二

建置一

圖表

卷三

建置二

考

卷四

建置三

考

卷五

建置四

考

卷六

疆域一

圖

卷七

疆域二

考

形勝附

卷八

山川一 圖考

卷九

山川二 西安

卷十

山川三 延安 鳳翔

卷十一

山川四 漢中 榆林

卷十二

山川五

興安

商

同

卷十三

山川六

華

耀

乾

邠

廊

綏

霞

邊外

卷十四

城池

卷十五

公署

卷十六

關梁一

卷十七

關梁二

卷十八

封爵一

上古至北魏

卷十九

封爵二

北周至明

卷二十

職官一

漢至隋

卷二十一

職官二

唐五代宋

卷二十二

職官三

金元明

卷二十三

職官四

本朝文職 武職

卷二十四

貢賦一

本朝民地丁

卷二十五

貢賦二

本朝民地丁 更名地丁 課程

卷二十六

貢賦三

歷代田賦

戶役

課程

經費

卷二十七

學校

卷二十八

祠祀一

寺觀附

卷二十九

祠祀二

寺觀附

卷三十

選舉一

徵薦

諸科

進士

卷三十一

選舉二

舉人上

卷三十二

選舉三

舉人下

貢生

館學生

卷三十三

選舉四

武科

將材

封蔭

掾吏

卷三十四

兵防一

本朝兵制

卷三十五

兵防二

歷代兵制

軍儲

塞垣

邊防

卷三十六

驛傳

卷三十七

屯運一

本朝屯地屯丁 倉庾 轉運事例

卷三十八

屯運二

歷代屯田 漕運

卷三十九

水利一

圖 考

卷四十

水利二

考

卷四十一

鹽法 錢法附

卷四十二

茶馬

卷四十三

物產一 穀屬 蔬屬 藥屬 貨屬

卷四十四

物產二 草屬 木屬 禽屬 獸屬 鱗屬  
介屬 豸屬

卷四十五

風俗

習尚

時令

禮儀

方言

化導

卷四十六

祥異一

卷四十七

祥異二

卷四十八

帝系一

皇帝

后妃

太子

卷四十九

帝系二

諸王

公主

外戚

宦官

卷五十

名宦一

節鎮上

卷五十一

名宦二

節鎮下

卷五十二

名宦三

勅使

監司

牧守

卷五十三

名宦四

令長

卷五十四

名宦五

僚佐

將弁

卷五十五

人物一

聖賢

名臣

卷五十六

人物二

廉能上

卷五十七

人物三

廉能下

卷五十八

人物四

勇畧上

卷五十九

人物五

勇畧下

卷六十

人物六

直諫

卷六十一

人物七

忠節

卷六十二

人物八

孝義

卷六十三

人物九

儒林

文學

卷六十四

人物十

隱逸

流寓

方伎

離傳

卷六十五



人物十一

釋道

人瑞

卷六十六

人物十二

列女一

卷六十七

人物十三

列女二

卷六十八

人物十四

列女三

卷六十九

人物十五

列女四

卷七十

陵墓一

卷七十一

陵墓二

卷七十二

古蹟一

宮闕

壇廟

卷七十三

古蹟二

府第

園池

數澤

郊坰

卷七十四

經籍一

經史

卷七十五

經籍二

子集

卷七十六

紀事一

唐虞至漢

卷七十七

紀事二

後漢

魏

卷七十八

紀事三

晉至魏

卷七十九

紀事四

周至唐

卷八十

紀事五

唐

卷八十一

紀事六

五代

宋

卷八十二

紀事七

金

元

明

卷八十三

德音一

卷八十四

德音二

卷八十五

藝文一

御製

詔誥

卷八十六

藝文二

奏疏

卷八十七

藝文三

表

狀

議

策

檄

露布

卷八十八

藝文四

賦上

卷八十九

藝文五

賦下

卷九十

藝文六

頌

贊

箴

銘

卷九十一

藝文七

碑

記上

卷九十二

藝文八

記下

卷九十三

藝文九

序

傳

書啟

卷九十四

藝文十

論說  
雜文

辨考

題跋

祝祭

吊誄

卷九十五

藝文十一

樂府

古詩

卷九十六

藝文十二

律詩



卷九十七

藝文十三

排律

絕句

詩餘

卷九十八

拾遺一

博古

風雅

閒適

語林

卷九十九

拾遺二

軼事

徵應

訂訛

瑣碎

卷一百

拾遺三

權奇

滑稽

神異

鑒戒

後序

臣等謹案陝西通志一百卷

國朝署理陝西總督吏部尚書劉於義等監修  
陝西舊通志為康熙中巡撫賈漢復所修當  
時頗稱其簡當而閱時既久因草損益頗不  
相同雍正七年

勅各省大吏纂輯通志陝西督撫以其事屬之糧儲  
道沈青崖青崖因據漢復舊本參以明代馬

馮二家之書斟酌增刪釐成百卷分為三十  
二類雍正十二年於義等始表上之陝西省  
治本漢唐舊都故記載較多如三輔黃圖長  
安志皆前人所稱善本而卷帙既繁異同亦  
夥至其隸轄支郡若綏葭鳳興之類則又地  
近邊隅志乘荒略不免沿習傳訛是編訂古  
証今詳略悉當視他志之捨擷附會者較為  
勝之書中間有案語以參考同異亦均典核

可取云乾隆四十六年三月恭校上

總纂官

臣紀昀

臣陸錫熊

臣孫士毅

總校官

臣

陸費墀

欽定四庫全書

目錄

欽定四庫全書

陝西通志卷一

星野

維天垂象應茲分壤表裏關河鷄首炳朗兩界劃開  
雍為吭顙地脊中衡諸州雄長南北之紀脈絡攸昉  
右軫左參繫網若網斗樞照臨三秦咸仰術溯甘公  
龍門世掌作星野志第一

鷄首之次


秦為鷄首天官家皆言之至泠州鷄有  
歲在鷄火我周分野之言而易氏遂疑

鶉火為西周岐豐之地今考唐歷志云武王嗣位  
克商歲進及鬼而退守井明年周始革命歲進留  
於張據此則周語以歲所在為周分蓋以其歷鶉  
首而至鶉火非即以鶉火為西周也今一以鶉首  
井鬼分野為準而凡鶉首之次所麗  
之雞座皆依丹元子步天歌纂入



鬼宿圖

井



鬼四星冊方似木  
櫃中央白者積尸  
氣鬼上四星是煙  
位天狗七星鬼下  
是外厨六闔柳星  
次天社六星張東  
倚社東一星名天  
紀

鵝首秦也

鄭氏周禮註

東井與鬼雍州

史記天官書

秦地於天官

東井與鬼之分野也其界自弘農故關以西京兆扶風馮翊北地上郡西河皆屬焉自井十度至柳三度謂之

鵝首秦之分也

漢書地理志

東井與鬼秦

淮南子

東井鬼星散

為雍州分為秦國東距殽函西有漢中南含高山北阻居庸得東井動深之萌其氣險也

春秋元命苞

鵝首井十至

柳三芒種夏至秦

劉昭月令章句

昔者大帝悅秦穆公而觀之

響以鈞天廣樂帝有醉焉乃為金策錫用此土而剪諸

鷄首

張衡西京賦

自井至柳謂之鷄首之次秦之分也言盡

取鷄首之分為秦之境

六臣文選註

仰東井之輿鬼覽西秦

之伯邑

張衡周天大象賦

東井謂之鷄首

博雅

鷄首之次於辰在

未謂之洽協於律為蕤賓斗建在午今秦分野

帝王世紀

自

井十六度至柳八度為鷄首秦之分野屬雍州費直起

井十二度蔡邕起井十度陳卓范蠡鬼谷先生張良諸

葛亮並云東井輿鬼雍州

晉書天文志

東井輿鬼鷄首也初

東井十二度餘二千一百七十二秒十五太中東井二

十七度終柳六度自漢三輔及北地上郡西自隴坻至

河右西南盡漢中之地古秦梁豳芮豐畢駘杠有扈之

國

唐書天文志

鶉首當河山之右太王以興后稷封焉而宗

周之所宅也

唐書歷志

關內道古雍州之域漢三輔北地上

郡及弘農隴西五原西河雲中之境京兆華同鳳翔邠

隴廊坊丹延綏宥為鶉首分山南道興元金洋鳳興為

鶉首分

唐書地理志

東井八星鉞一星鬼四星質一星為鶉

首皆秦之分野

張守節史記正義

鶉首秦此係之二十八宿者

也

地理通釋

井鬼在未自井九度至柳三度屬秦分雍州則

陝西永興鳳翔鳳隴邠丹同華耀坊延廊興元及西夏

之西偏秦鳳之西北皆秦分也

清類天文分野書

自井八度三

十三分三十八秒起歷井二十三度鬼二度柳五度一

十二分三十八秒共二十九分一秒為鶉首之次其辰

在未斗柄建午律應蕤賓

明世法錄

井宿

東井為水事禍成井

史記天官書

東井秦地漢王入關五星

從歲星聚五年遂定天下此東井為秦地之明效也

漢書

天文志

東井三輔宿

後漢書天文志

西南方曰朱天其星曰東井

淮南子

東井八星主水衡也

春秋元命苞

秦故治雍今內史也

隴西漢中東井也

越絕書

鎮星主東井木守東井有土功

之事一曰大水五星及客星在井皆為水

黃帝星經

太白守

井五穀不成

巫咸占

鎮星在東井天下大水其大出流殺

人太白入東井留一日以上乃占期三月若一年遠五

年

石氏星經

客星干犯東井則大臣誅彗星在東井國大人

死七十日主當之五十日相當之三十日兵將當之流

星出東井所之國大水

荊州經星

東井八星天之南門黃道

所經天之亭候主水衡事王者用法平則井星明而端

月宿井有風雨

晉書天文志

舊經東井去極七十度渾天儀

測東井去極六十八度。東井居兩河之陰自山河上

流當地絡之西北

唐書天文志

傳奕曰天上東井黃道經其

中正是熒惑行路所涉不為怪異若熒惑入地上井是

為災也

舊唐書傳奕傳

南方東井八星天之南門黃道七曜常

行其中為天之亭候主水衡事法令所取平也武密占  
曰井中為三光正道五緯留守若經之皆為天下無道  
不欲明明則大水又占曰用法平井宿明月宿其分有  
風雨日食秦地旱民流暈則多風雨有青白赤氣在日  
為冠天子立侯王月食有內亂大臣黜后不安五穀不  
登分有兵喪月暈為旱為兵為民流國有憂一曰有赦  
陰陽不和則暈暈及三重在三月為大水在十二月壬  
癸為大赦月犯之將死於兵水官黜刑不平歲星犯之

主急法多獄訟水溢將軍惡之逆行入井川流壅塞熒惑犯之兵先起者殃入守經旬下有兵貴人不安守三十日成勾己角動色赤黑貴人當之百川溢兵起填星入犯之兵起東北大臣憂在觜而去東井其下亡地太白犯之咎在將久守其分君失政臣為亂辰星犯之星進則兵進退則兵退刑法平又曰北兵起歲惡芒角動搖色赤黑為水為兵起客星犯之穀不登大臣誅有土功小兒妖言彗星犯之民讒言國失政一曰大臣誅其

分兵災流星犯之在春夏則秦地謀叛在秋冬則宮中有憂乙巳占流星色黃潤國安赤黑秦分民流水災。

漢永元銅儀井宿三十度唐開元遊儀三十三度去極

七十度景祐測驗亦三十三度距西北景去極六十九

度

宋史天文志

漢洛下閎測井三十三度宋崇寧測井三十

三度少志元測井三十三度三十分

元史歷志

井三十一度

井八星以近鉞一星為距三十四度。井南方七宿之

一八星如井橫列河中參旁之東有玉井故井宿曰東

井

明世法錄

南方七宿井喙鬼目井主秦雍也

天星訂考

井主水

衡法令中平之事物之平者莫如水故營國制城畫野分州皆取象焉。東井一曰天府一曰東陵一曰天井一曰天門一曰天渠一曰天候一曰天齊一曰天池水星也主水泉亦為天之南門日月五星貫之為中道又主酒食女主之象主三公之位為天之亭候主水衡法令之所取平也三光行不由其中道為下無道雖經之不得留之王者心正則井星正明則法度正號令明大

盛則多風雨有大水暗中不正則國弱兵亂動搖變色  
則諸侯帝移徙則國亂君憂決水為災又曰井為天子  
府暗芒角日月食五星犯逆大臣謀亂兵起中有六星  
不欲大明明即火災。井八星距西扇北第一星去極  
六十九度。井八星三十一度為水患為行舟在氣為  
木在肖為犴

圖書編

### 鬼宿

輿鬼鬼祠事

史記天官書

輿鬼秦也

漢書天文志

輿鬼五星天府

也

後漢書天文志

熒惑主與鬼

星經

南方曰炎天其星曰鬼

淮南子

與鬼謂之天廟

博雅

與鬼天目也朱雀頭也歲守鬼十日

金錢散諸侯熒惑犯守鬼國有大喪有女喪大將有死

者土犯鬼后有憂失亡其勢鎮入鬼中大臣誅

黃帝星經

歲

星入留與鬼五十日不下民有大喪百日不下民半死

太白入鬼一曰病在女主一曰將戮死

石氏星經

月五星入

與鬼大臣誅歲入鬼五穀多傷民以飢死者無數辰星

入與鬼以罪誅大臣一曰后疾一曰大人憂

郝萌占

鎮入

鬼中有土功事

占 巫咸

太白入鬼亂臣在內

占 韓楊

熒惑犯

鬼忠臣戮死不出一年中

星 占 荊州

興鬼五星天目也主視

明察姦謀東北星主積馬東南星主積兵西南星主積

布帛西北星主積金玉隨變占之鬼星明大則穀成不

明則百姓散

晉書 天文志

渾天銅儀測興鬼去極六十八度

○興鬼居兩河之陽自漢中東盡華陽與鶉火相接當

地絡之東南

唐書 天文志

興鬼主觀察姦謀日食國不安有

大喪貴人憂暈則其分有兵大臣有誅廢者月食貴臣

皇后憂期一年暈為旱為赦月犯之秦分君憂一曰軍將死貴臣女主憂民疫歲星犯之國傷民饑君不聽事熒惑犯之忠臣誅一曰兵起后失勢入則后及相憂一曰賊在君側有兵喪勾已國有赦留守十日諸侯當之二十日太子當之勾已環繞天子失廟填星犯之大臣女主憂守之憂在後宮為旱為土功太白入犯之為兵亂臣在內一曰將有誅貫之而怒下有叛臣久守之下有兵為旱為火萬物不成辰星犯之五穀不登守為有

喪憂在貴人客星犯之國有自立者敗一曰多土功入  
之有詛盟祠鬼事彗星犯之兵起國不安星孛其下有  
喪兵起宜修德禳之。漢永元銅儀輿鬼四度舊去極

六十八度景祐測驗輿鬼三度距西南星去極六十八

度

宋史天文志

漢洛下閎測鬼四度唐一行測鬼三度宋皇

祐測鬼二度崇寧測鬼二度半至元測鬼二度二十分

元史天文志

鬼宿四星曰輿鬼一曰天目主視明察姦偽朱雀

頭眼一曰天鐵鎖主誅殺一曰天廟主祀事一曰天松

一曰天匱一曰天墮主疾病死喪土星也其中為日月

五星中道

觀象  
玩占

鬼四星以右二星為距二度

明世  
法錄

鬼四

星距西南星去極六十九度半。鬼三度為淫辭為妖

孽在氣為金在肖為羊其餘氣為暗金

圖書  
編

鬼四星欲

其明明則五穀成動搖則疾病水災人死如麻月犯鬼  
人疾疫入鬼人多病死

羣芳  
譜

井鉞

以下係井  
宿雜座

井西曲星曰鉞傷成鉞

史記天  
官書

晉灼曰賊傷之占先成

形於鉞

史記注

敗成鉞

春秋文耀鉤

鉞涿水而刑及

張衡周天大象賦

鉞一星附井之前主伺淫奢而斬之故不欲明明與井

齊則天子用鉞於大臣

晉書天文志

鉞一星附井宿前月犯

井鉞大臣誅有水事歲星犯井鉞近臣為亂兵起填星

入井鉞王者惡之

宋史天文志

鉞一星在井邊二寸

明世法錄 鉞

附於井所以斷也。鉞一星附井口第一星主邊兵起

主伺淫奢而斬之不欲其明大而明則鉞鉞用事兵

起搖動芒角則大臣多死於法者星芒則天下大水。

鉞一星去極六十九度少入參半度

圖書編

南河北河

鉞北北河南南河火守南北河兵起穀不登

史記天官書

兩

河占胡越之域

張衡周天大象賦

南河北河各三星夾東井一

曰天高之闕門也主關梁南河曰南戌一曰南宮一曰

陽門一曰越門一曰權星主火北河曰北戌一曰北宮

一曰陰門一曰胡門一曰衡星主水日月五星之常道

也

晉書天文志

兩河夾井以相望

張淵觀象賦

南河三星與北河

夾東井河戍動搖中國兵起河星不具則路不通水泛  
溢月出入兩河間中道民安歲美無兵出中道之南君  
惡之大臣不附星明為吉昏昧動搖則邊兵起遠人叛  
主憂月犯之為中邦憂一曰為兵為喪為旱為疫行西  
南為兵旱入南戍則民疫暈則為土功乘之四方兵起  
經南戍南則為刑罰失歲星犯之北主憂熒惑犯兩河  
為兵守三十日以上川溢守南河穀不登女主憂守南  
戍西果不成在東則有攻戰填星守兩河為旱民憂守

之為兵道不通太白舍三十日川溢一曰有姦謀守兩  
河為兵起客星守之為旱為疫彗孛出為兵守為旱流  
星出為兵喪邊戍有憂北河亦三星五星出入留守之  
為兵起犯之為女喪乘之為北主憂歲星入北戍大臣  
誅熒惑從西入北戍六十日有喪從東入九十日有兵  
一曰出北戍北守之邊將有不請於上而用兵外國者  
勝填星守之兵起六十日內有赦一曰有土功若守戍  
西五穀不實太白舍北戍三十日為女喪有內謀守陰

門不出百日天下兵悉起辰星守之外兵起邊臣有謀  
留止則兵起四方客星入犯之有喪於外姦人在中入  
自東兵起期九十日入自西有喪期六十日守之為大  
水流星經兩河間天下有難入為北兵入中國關梁不  
通

宋史天  
文志

南北兩河地之關門南北兩界逆斜彗客犯

南河為旱北河為水

歷學  
會通

北河為陰國主攻伐之政南

河為陽國主禮樂之政南北二河所以分諸夏而定夷  
貊。北河三星距東大星去極六十一度半入井宿二

十度南河三星距東大星去極八十三度半入井宿二

十一度

圖書編

兩河間為天中道七曜常行而過之則吉

久留則殃咎生

羣芳譜

### 天樽

天樽奠饌而翕集

張衡周天大象賦

天樽主盛饘粥以給貧餒

晉書天文志

天樽三星樽器也明為豐暗則歲惡

宋史天文志

天

樽主樽壘天子酒器

歷學會通

天樽三黑星在井北五諸侯

南三星鼎足立

明世法錄

天樽三星距西星去極六十度入

井宿十六度

圖書編

五諸侯

五侯疑議而衡立

張衡周天  
大象賦

五諸侯五星在東井北主

刺舉戒不虞又曰理陰陽察得失亦曰主帝心一曰帝

師二曰帝友三曰三公四曰博士五曰太史此五者常

為帝定疑議

晉書天  
文志

五諸侯五星斷疑刺舉戒不虞星

明大潤澤則天下治五禮備則光明不相侵陵暗則貴

人謀上芒角禍在中歲星犯之兵起三年熒惑犯之大

臣叛不成太白犯之諸侯興兵亡國經天晝見則諸侯受誅客星犯王室亂諸侯亡地秦國殃守之諸侯親屬失位彗孛犯之執法臣誅又曰貴臣當之期一年

宋史天文

志

五諸侯畿外諸侯也聖王所以建國而養民者也。

五諸侯決疑斷獄。五諸侯距西星去極五十六度半

入井宿六度半

圖書編

積水

熒惑入積水水兵起入積薪旱兵起守之亦然積水在

北成東北

漢書天文志

積水醕燕酎之勞

張衡周天

積水一

星在河西北水河也所以供酒食之正也

晉書天文志

積水

候水災

隋書天文志

積水一星在北河西北不見為災歲星

犯之水物不成魚鹽貴民饑熒惑犯之為兵為水辰星

犯之為水旱客星犯之兵起大水大臣憂期一年

宋史天文

志積水積薪六府之首事也。積水積薪主水火之齊

以給烹飪。積水一星去極五十四度半入井宿五度

圖書

積水一星在北河上主聚美水給天子酒食明則

天下大安宴享行暗則五穀不登人民憂明大動搖河  
海溢決津梁不通五星犯守有水災火犯之主旱流星  
抵積水若入之大水

羣芳譜

積薪

積薪在北戌西北

漢書天文志

積薪備牲庖之給

張衡周天大衆賦

積薪一星在積水東北供庖厨之正也

晉書天文志

積薪一

星不明五穀不登熒惑犯之為旱為兵為火災客星守

之薪貴

宋史天文志

積薪一星去極六十五度半入井宿七

度半

圖書編

積薪聚薪也給享祀供庖厨星明則五穀熟

享祀修庖厨足暗則庖厨空天下旱歲歉人饑積水積薪相去五尺以內則天下平五穀登一丈內則天下饑荒人民流亡火守之旱水守之大水五星犯積薪若守之五穀不成民饑流亡

羣芳譜

## 水府

水府司乎百川

張衡周天大象賦

東井西南四星曰水府主水

之官也

晉書天文志

水府四星主隄塘道路梁溝以設隄防

之備熒惑入之有謀臣辰星入為水客星入天下大水

流星入色青所主之邑大水赤為旱

宋史天文志

水府四黑

星在井西南鉞下

明世法錄

水府天子宮內水官

歷學會通

水府

主隄防溝洫之事。水府四星距西星去極七十六度

半入井宿十度半

圖書編

### 水位

水位四星瀉溢流移流近河北則國沒

巫咸占

水位瀉流

而迅崩

張衡周天大象賦

水位四星在積薪東主水衡

晉書天文志

水位四星在積薪東一曰在東井東北主水衡歲星犯之為大水一曰出南為旱熒惑守之田不治客星犯之水道不通伏兵在水中一曰客星若水火守犯之百川流溢彗孛出為大水穀不成流星入之天下有水穀敗民饑

宋史天文志

水位四星東井西南列主水衡瀉淫溢水

官也石氏曰衡平象水水平而後流

觀象玩占

水位四星距

西星去極七十三度半入井宿十八度

圖書編

水位以瀉

淫溢水官也微小如常則雨澤時天下安明則大水橫

流五穀傷民饑五星犯之大水入城郭傷人五星守之  
北大水南大旱客星守之百川泛溢彗孛犯之水路不

通

羣芳譜

### 四瀆

四瀆斷江淮之候

張衡周天  
大象賦

東井南垣之東四星四瀆

江河淮濟之精也

晉書天  
文志

四瀆四星明大則百川決

宋史

天文志

四瀆四星在南河之裏東井之南軒轅之東

明世宗

法錄

四瀆四星距西南星去極八十六度入井宿二度

圖書

編

# 軍市

軍市通貨以圓綴

張衡周天  
大象賦

軍市十三星在參東南天

軍貿易之市使通有無也

晉書天  
文志

軍市十三星狀如天

錢中星衆則軍餘糧小則軍饑月入為兵起主不安五

星守之軍糧絕客星入則刺客起將離卒亡流星出為

大將出

宋史天  
文志

軍市天軍貨物之市水官也

觀象  
玩占

軍市

十三星距西北星去極一百七度半入井宿初度

圖書  
編

野雞精

野雞俟兵而據市

張衡周天  
大象賦

野雞一星主變怪在軍市

中

晉書天  
文志

野雞伺晨於參墟

張淵觀  
象賦

野雞一星在軍市

中主變怪出市外天下有兵守靜為吉芒角為凶

宋史  
天文

志

野雞主知變怪虞伏奸又曰野雞大將也主屯營軍

之號令警急設備

觀象  
玩占

野雞在軍市中掌野外之禽鳴

則天下野雞盡雌一曰知夜辰鳴則凡雞始鳴也

歷學  
會通

野雞雉也與狼俱山野物也雉性剛決狼性貪戾狼之

盜主西北之國蓋井在斗魁之西北也

天星訂考

軍市行軍

之市野鷄精主知物價察姦慝賈師也。野鷄一星去

極一百九度半入井宿四度半

圖書編

孫

孫孕緒而連綿

張衡周天  
大象賦

子東二星曰孫

晉書天  
文志

孫二

星在子星東以天孫侍丈人側相扶而居以孝慈不見

為災居常為無咎

宋史天  
文志

孫子主孝愛以侍丈人。孫

二星距西星去極一百一十五度入井宿六度

圖書編

子

子扶尊而渺邈

張衡周天  
大象賦

丈人東二星曰子

晉書天  
文志

子

孫嚙嚙於參隅

張淵觀  
象賦

子二星侍丈人側不見為災

宋史

天文志

子二星距西星去極一百二十八度入星宿四度

編圖書

丈人

丈人通臣而夜懸

張衡周天  
大象賦

軍市西南二星曰丈人

晉書

天文志

丈人極陽而恍惚

張淵觀  
象賦

丈人二星主壽考悼耄

矜寡以哀窮人星亡人臣不得自通

宋史天文志

丈人國之

老臣也又曰主壽考而哀孤窮

觀象玩占

丈人二星距西星

去極一百二十八度入參宿四度

圖書編

### 闕邱

兩河天闕間為闕梁

史記天官書

正義曰闕邱二星在河南

史記天官書註

闕邱擬乎兩觀

張衡周天大象賦

南河南三星曰闕邱

主宮門外象魏也

晉書天文志

西河之濱所以設險限秦晉

故其地上應天闕其南曲之陰在晉地衆山之陽南曲

之陽在秦地衆山之陰陰陽之氣并與東井通河東永

樂芮城河北縣及河曲豐勝夏州皆東井之分

唐書天文志

闕邱三星在南河南

宋史天文志

闕邱三星在南河東主衆

魏天子之雙闕諸侯之兩觀也金火守之兵戰闕下

文獻

通考闕邱二星距大星去極九十步少入井宿十五度

圖書

# 狼

參星東有大星曰狼狼角變色多盜賊

史記天官書

狼援戈

而野戰

張衡周天  
大象賦

狼一星在東井東南狼為野將主侵

掠色有常不欲動也

晉書天  
文志

狼星搖動於霄端

張淵觀  
象賦

秦人占狼弧

乙巳  
占

鶉首之外雲漢潛流而未達故狼星

在江河上源之西西羌吐蕃吐谷渾及西南徼外夷人

皆占狼星

唐書天  
文志

狼一星芒角動搖則兵起明盛兵器

貴移位人相食色黃白為凶赤為兵月犯之有兵不戰

一曰有水事月食在狼外國有謀五星犯之兵大起多

盜彗孛犯之盜起客星守之色黃潤為喜黑則有憂

宋史

天文志

狼主殺掠一曰夷將一曰天陵主南夷主盜賊金

官也

觀象玩占

狼一星去極一百七度半入井宿十度

圖書編

弧矢

仲春之月昏弧中

禮記月令

昏旦中星皆舉二十八宿此云

弧星中以弧星近井度多星體廣不可的指故舉弧以

定其中也

禮記月令疏

狼下有四星曰弧直狼

史記天官書

弧屬

矢而承天

張衡周天大象賦

弧九星在狼東南天弓也主備盜

賊常向於狼弧矢動移不如常者多盜賊邊兵大起狼

弧張害及民天下乖亂又曰天弓張天下盡兵

晉書天文志

弧精引弓而持滿

張淵觀象賦

弧矢鷄犬皆徼外之備也

唐書

天文志

弧矢九星主行陰謀以備盜常屬矢以向狼武密

曰天弓張則北兵起動搖明大則多盜矢不直狼為多

盜引滿則天下盡為盜月入弧矢臣逾主月暈其宿兵

大起客星入南夷來降若舍其分秋雨雪穀不成守之

外夷饑出入之為兵出入流星入北兵起屠城殺將

宋史

天文志

弧矢主備非常

觀象玩占

弧主天子弓以備盜賊矢主

羽箭

歷學會通

弧矢天弓也狼為奸寇弧司其非故常注矢

以向狼矢端直則狼不敢動

明世法錄

弧與矢備盜防私○

弧矢九星去極一百十四度入井宿十五度

圖書編

### 老人

秋分日饗壽星於南郊

月令

壽星南極老人也

月令

狼比

地有大星曰南極老人老人見治安常以秋分時候之

於南郊

史記天官書

老人作主而秋煥

張衡周天大象賦

老人星一

名壽星色黃明大則主壽昌天下多賢士

黃帝星占

王者承

天則老人星見臨其國

孫氏瑞應圖

王者安靜則老人星見

春秋文曜鉤

老人一星在弧南一曰南極常以秋分之旦見

於景春分之夕沒於丁見則治平主壽昌

晉書天文志

即長

春而隱見當丙丁而的皦晃如金粟燦若銀燭其光如

丹其大如李

唐老人星賦

老人一星在弧矢南見則治平天

子壽昌不見則兵起歲荒君憂客星入為民疫一曰兵

起老人憂流星犯之老人多疾

宋史天文志

南極老人在弧

矢南司天下人民壽算蓋北極在丑艮故南極在未坤

南極入地三十六度不可得而見也故其精神出地以見乎南謂之南極老人然其出地亦不甚遠故隱見不常見則為祥其勢位等威蓋與中斗相埒以輔上帝故雖在井分井不得而司之也

宋中興天文志

老人主壽考去疾

疫除毒氣一曰壽星巫咸曰老人木官也

觀象玩占

老人所

以占大人壽考者也。老人一星去極一百四十三度

入井宿三度

圖書編

鬼積尸氣

以下係鬼宿雜座

與鬼鬼祠事中白者為質誅成質

史記天官書

晉灼曰與鬼

五星其中白者為質正義曰鬼中一星為積屍一名質

主喪死祠事熒惑入鬼天質占曰大臣有誅

史記註

與鬼

中央星如粉絮鬼為變害故言天尸斧鉞或以病亡或

以誅斬火剋金天以制

黃帝星經

與鬼者天之尸也弧射狼

誤中參左肩舉尸之東井治留尸與鬼故曰天尸鬼之

為言歸也又占月五星有干鉞乘質者君貴人金玉用

民人多死從南入為男子從北入為女從西入為老人

從東入為壯丁棺木倍價

都明占

質明祀而變生

張衡周天大象

賦

輿鬼中央星為積尸主死喪祠祀一曰鈇鑕主誅斬

質欲其忽忽不明明則兵起大臣誅

晉書天文志

歲犯鬼鑕

執法臣誅填星入鑕王者惡之犯積尸在陽為君在陰

為后左為太子右為貴臣隨所守惡之流星犯鬼鑕有

戮死者入則四國來貢。積尸氣一星在鬼宿中孛孛

然入鬼一度半去極六十九度在赤道內二十二度主

死喪祠祀

宋史天文志

中央色白如粉絮者謂之積尸氣一

曰天尸主死喪祠祀一曰鐵鎖主刑罰主誅斬如雲非雲如星非星見氣而已

觀象  
玩占

鬼主祀事祖考之象中央

積尸所以象神也甘氏云積尸搖動則疾病鬼哭人荒

圖書  
編

天漢新法測以遠鏡始知是無算小星攢聚成形

積尸氣亦然

湯若望新  
法表異

燿

燿含烽而喋寇實防邊之有候

張衡周天  
大象賦

軒轅西四星

曰燿燿者烽火之燿也邊亭之警候

晉書天  
文志

燿四星在

鬼宿西北一曰在軒轅西主烽火備邊之警急以不明

為安明大則邊有警

宋史天文志

燿主烽火備急行邊庭掌

四時火變

歷學會通

燿火也夏官行火令四時變火以救民

疾春榆柳青夏棗杏赤秋柞櫛白冬槐檀黑

天星訂考

燿四

星距西北星去極六十度半入井宿二十九度

圖書編

### 天狗

天狗吠盜而映連

張衡周天大象賦

狼北七星曰天狗主守財

晉書天文志

天狗接狼以吠守

張淵觀象賦

天狗七星在狼星北

動移為兵為饑多寇盜有亂兵填星守之人相食客禁

守之則羣盜起

宋史天  
文志

天狗七星在鬼西南狼之北橫

河中以守賊也移徙則兵起金火守之人相食

文獻  
通考

天

狗守禦以防奸也亦祭宴之牲也

天星  
訂考

天狗七星距西

星去極一百二度入井宿二度

圖書  
編

### 外廚

外廚調列膳之滋

張衡周天  
大象賦

柳南六星曰外廚

晉書天  
文志

外廚六星為天子之外廚主烹宰以供宗廟

宋史天  
文志

外

厨六星祭祀烹宰之屠也

觀象  
玩占

外厨曰外者對紫宮內

厨言也以享以祀而烹宰也

天星  
訂考

外厨六星距大星去

極九十二度半入鬼宿二度

圖書  
編

### 天社

惟天社之赫若實勾龍之神焉

張衡周天  
大象賦

弧南六星為

天社昔共工氏之子勾龍能平水土故祀以配社其精

為星

晉書天  
文志

天社六星明則社稷安不明搖動則下謀

上太白熒惑犯之社稷不安客星入有祀事於國內出

則有祀事於國外

宋史天文志

天社在老人星東南似柳直

明則吉

文獻通考

天社弧東南社神也

觀象玩占

天社祝祠之官

歷學會通

天社春社以興農事秋社以報秋成后土之精也

鄭氏曰天社者東井輿鬼之外地神也即社稷之社也

勾龍者脩食之人鬼也

天星訂考

天社六星距西南星去極

一百三十四度入井宿十二度

圖書編

## 天紀

天紀錄禽而獻齒

張衡周天大象賦

厨南一星曰天紀主禽獸

之齒

晉書天  
文志

天紀一星在外厨南太白熒惑守犯之禽

獸死民不安客星守之則政隳

宋史天  
文志

天紀知禽獸歲

齒應天子御馬醫獸之吏

歷學  
會通

天紀一星去極一百一

度半入柳宿三度

圖書  
編

尾箕

折木之次。以下係陝西邊境之分屬各宿者凡所應無多非全秦分野可比槩不圖形

涼州入箕十度西河上郡北地入尾十度

晉書天文志  
按晉書地

理志涼州金城郡榆中白土即今榆林亦涉晉時涼州邊界故并載箕宿

觜參

寶沈  
之次

魏地南參之分野也高陵以東皆魏分

漢書地理志

漢中入

參九度

晉書天文志

魏地西距高陵南觴參伐實沈也自河

東盡西河之地

唐書天文志

關內道麟豐勝銀夏單于安北

為實沈分

唐書地理志。按左傳子產曰高辛氏遷季子實沈於大夏主參故參為晉星魏本晉地

高陵河西其為參分無疑惟史記天官書云南參益州星經云南參魏益州而晉天文志遂云漢中入參九度夫魏與益州隔絕數千里豈參既主晉復越秦而主蜀歟抑列國分野果以受封時歲星所次為言歟晉書必有定見未可輕

非姑並存之以俟知者

昴畢

大梁之次

趙地昂畢之分野也西有五原

漢書地理志。五原在今榆林邊外

柳星張

鶉火之次

鶉火分野自河華之交北負河南及漢柳在輿鬼東又

接漢源當商洛之陽接南河上流

唐書天文志

關內道商為

鶉火分

唐書地理志

柳星張在午自柳四度至張十四度屬

周分商洛周分也

清類天文分野

翼軫

鶉尾之次

楚地翼軫之分野也漢中楚分

漢書地理志

國星

屬女宿。以下係他宿之雜座主秦分者

秦二星在周星東南

甘石星經

東西兩周次二秦

隋升元子步天歌

十二國十六星在牛女南近九坎各分土居列國之象

宋史天文志

五車

屬畢宿

五潢五帝車舍

史記天官書

正義曰五車五星在畢東北西

北大星曰天庫主秦

史記註

五車者五帝舍也西北大星

曰天庫主太白金秦

晉書天文志

五車五星在畢宿北五帝

坐也西北大星曰天庫主太白秦分及雍州主豆

宋史天文

志

北斗

屬紫微垣。以下係三垣中之星主秦分者

杓自華以西南

史記天官書

正義曰杓北斗第七星也華華

山也杓華山西南之地也

史記註。按晉隋天文志斗七星一至四為魁五至七為

杓北斗惟魁主秦天官書則以魁主海岱杓自華以西南春秋文耀鉤以第一星主秦第六星主梁然則所謂杓自華以西南者或指梁而言歟而華之西南半屬秦地則又有難以臆斷者矣

玉衡第二星

主益州常以五亥日候之乙亥日為漢中

後漢書天文志。按史記

天官書北斗七星所謂璿璣玉衡後漢書則以璇璣為北辰玉衡為斗九星而以第二星主益州漢中各史天文志未有宗其說者然漢書必非無據姑存之備考華岐龍門積石至三危之野

雍州屬魁星

春秋文耀鉤

北斗樞為雍州

廣雅

魁第一星曰天

樞主秦

晉書天文志

魁第一星曰天樞正星主天又曰樞為

天主陽德天子象其分為秦

宋史天文志

雍州主魁此係之

北斗者也

地理通釋

三台

屬太微垣

三台六星中台上星主梁雍

宋史天文志

秦星

屬天  
市垣

天市垣二十二星在氏房心尾箕斗內西蕃十一星六

曰秦

宋史天文志

太白

以下係緯  
星主秦者

秦之彊也候在太白占於狼弧

史記天官書

正義曰太白狼

弧皆西方之星故秦占候也

史記註

星經曰太白金華陰

山雍州

後漢書天文志

鷄首實沈以負西海其神主於華山太

白位焉

唐書天文志

太白金梁雍之地

圖書編

辰星

北方水位自河曲黃甫川西經榆林

寰宇記。秦地界連楚蜀晉豫故分

野間有入他宿者然機祥休咎終難以秦地之邊隅占他宿之分宿至畢女三垣特一星主秦未可因其一遂占其金也太白辰星其變動在井鬼者載之否則槩從略焉

天漢

星家皆言漢屬金水李淳風述天漢起止則東井為漢必麗之辰僧一行論雲漢升沉則

井鉞應漢方升之氣而谿田馬氏亦以陝應天漢故備列衆說以備考焉

漢者金之散氣其本曰水

史記天官書

河精上為天漢

河圖括地

象

天河從北極分為兩頭其一經東井

抱樸子

天漢起東

方經尾箕之間分為二道至天津下而合經北河之南入東井水位而東南行絡南河闕邱天狗天紀天稷在

七星南而沒

晉書天文志

易五月一陰生而雲漢潛萌於天

稷之下進及井鉞得坤維之氣陰始達於地上而雲漢上升東井據百川上流故鶉首為秦墟得兩戒河山之首鶉首之外雲漢潛流而未達故狼星在江河上源之

西

唐書天文志

天河亦一名天漢東井水位入吾驂水位過

了東南遊經次南河向闕邱天狗天紀與天稷七星南

畔天河沒

步天歌

古人有以天河斷兩界者秦雖西而位

坤維之鶉首雲漢之升兩界之首也

一稿 庸齋十

石氏云天

漢天一所生天下河漢之源出乎此故河漢者亦地所

以為東西南北之限也張衡云漢津者金之精氣也其

本曰水按陝西乃金水之位而河漢之源並出乎此

馬志

河山兩戒

按舊志河山兩戒繪圖分劃但細繹一行之說兩戒起訖俱不在境內圖之恐

近於鑿故不敢循舊也

中國山川東北流其維首在隴蜀

史記天官書

正義曰言中

國山及川東北流行若南山首在崑崙連隴山至南山

華山渡河黃河首起崑崙渭水岷江發源出隴山

史記註

天下河山之象存乎兩戒北戒自三危積石負終南地  
絡之陰東及太華逾河是為北紀南戒自岷山蟠冢負  
地絡之陽東及太華連商山熊耳自上洛南逾江漢是  
為南紀星傳謂北戒為塞門南戒為越門河源自北紀  
之首循雍州北徼達華陰而與地絡相會謂之北河江  
源自南紀之首循梁州南徼達華陽而與地絡相會謂

之南河故於天象則弘農分陝為兩河之會自陝而西

為秦負險用武之國也

唐書天文志

### 干支分野

庚秦午秦

淮南子

庚之與未皆主於秦

魏書崔浩傳。按淮南以午主秦未

主宋崔浩言未為秦意者崔浩之說以鶉首於辰在未歟

### 北極出地度數

安西府北極出地三十四度半強興元府北極出地三

十三度半強

元史天文志

各省日出入晝夜時刻俱以本處

之北極高度立算陝西北極高三十四度一十六分

歷象

考成

推節氣時刻

各省節氣時刻皆以京師為主視各省東西之偏度加

減之

每一度當四分

陝西偏西七度三十三分四十秒減三十

分一十五秒

歷象考成

井鬼赤道黃道度數

赤道井三十三鬼四

漢書律歷志

東井三十三鬼三

唐書井

三十三鬼三

紀元歷作井三十三少  
鬼二半宋史律歷志

井三十四度鬼三

度

圖書編

黃道井三十鬼四

漢書律歷志

東井三十輿鬼二太

唐書  
歷志

井三十鬼二太

紀元歷作井三十半  
鬼二半宋史律歷志

井三十度鬼

二度太

圖書編

### 赤道黃道過宮

赤道井十度四十六分抄四十四黃道井九度四十二

分抄八十九入秦分鶉首之次在未用艮巽坤乾

宋史  
律歷

志

日月蝕占

庚辛華山以西日蝕國君月蝕將相當之

史記天官書

雲氣占

自華以南氣下黑上赤

史記天官書

渭水氣如狼白尾秦雲

如行人

晉書天文志

蒼黑雲氣入犯井宿民有疾疫黃白潤

澤有客來言水澤事黑氣入為大水常以正月朔日入時候之井宿上有雲歲多水潦。五諸侯雲氣犯之色蒼白諸侯有喪不則臣有誅戮天下有大水。積水蒼

白雲氣入犯之天下有水。○積薪赤雲氣入犯之為水災。○南河蒼白雲氣入之河道不通出而色赤天子兵向諸侯黃氣入之有德令出為災北河雲氣蒼白入犯之邊有兵疾疫。○水位赤雲氣入為旱饑。○狼赤雲氣入有兵。○輿鬼五星白雲氣入有疾疫黑后有疾憂赤為旱黃為土功入犯積尸貴臣有憂青為病。○燿赤雲氣入天下烽火皆動。

宋史天文志

南河主越門青氣入水傷

人北河主胡門白氣入邊境有兵。○積水主水官供給

酒食白氣入憂水。○積薪主外廚以給烹飪之事赤氣入憂火。○水位主水衡赤氣入大人憂旱歲饑荒。○狼星主野將侵掠赤氣入有兵革民驚。○弧矢天弓也主備盜賊赤氣入民驚。○老人星主壽白氣老人憂

明世法錄

積薪赤氣火焚薪

羣芳譜

陝西通志卷一